

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1979 del 03/07/2026

Der kurs tauert drai jor van 2026-2029

Iberòll medizin: s hòt zait finz as de 27 van heibeger za schraim se inn en konkurs

[Mòcheno] S hòt zait finz as de 27 van heibeger za stelln vour de vrog ver za nemmen toal en konkurs ver za kemmen u'ganommen en kurs ver de u'lear va iberòll medizin ver de drai jor 2026/2029.

De platz en konkurs sai' 40 ont de kearn en de docktern as der riftitl hom en medizin ont chirurgi: men derklort as meing vourstelln de vrog aa de sèlln as nou nèt hom der riftitl en medizin ont chirurgi, ober de barn en hom vour en to as bart se hòlt de probe van konkurs as bart sai' as de 21 van schanmikeal 2026.

Der kurs bart u'vòngen en òlderhaileng en sitz va de Schual as u'leart en iberòllmedizin va de integriart universitet va de Tsunthaitbèrk, as hòt sitz ka Trea't. De bart tauern 36 mu'netn ver an total va 4800 stunnen va pratikat ont teori. Bail de u'lear barts moglech sai' òrbetn en de derkennt medizin ont asou barn kemmen garèchnt de stunnen va òrbet abia stunnen va kurs.

En òlla de dockter inntschrim en kurs barts kemmen gem an studiumprais va 11.603 euro as jor. Ver de sèlln inntschrim (as lem oder as nèt lem en a gamoa' va de Autonome Provinz va Trea't) as verhoasn, derno za hom kriak der diplom, za òrbetn en de trentinische derkennt medizin no en sèll as s provinzal gasetz paschraip, derzua en der studiumprais, pet a vrog, kònn men krieg finz as 25.000 euro as jor va mear. Der studiumprais ist kompatibel pet de òrbetn as men kriak pet de derkennt medizin.

Der bando van konkurs ont de vrog asn doi link:

<https://www.trentinosalute.net/Argomenti/FORMAZIONE-E-OPERATORI/Corso-di-formazione-specifica-in>

Nochrichtn

Provinzaldinst ver de tsunthaitòrbet ont nètzn pet de Universitet

mail: serv.personalesanitarioeuniversita@provincia.tn.it - tel. 0461/494105

Ibersetz gamòcht van Sprochtirl va de Tolgamoas'schòft Hoa Valzegu' ont Bersntol

(cdt)